

增修雲林寺志

增修雲林寺志卷六

詩詠

候仙亭

新創仙亭覆石壇雕梁峻宇入雲端

聽湖南山色捲簾看

宿天竺寺寄靈隱寺僧

張籍

夜向靈溪息此身風泉竹露淨衣塵月明石上堪同宿那作山南山北人

翻經臺

見咸淳臨安志

白居易

一會靈山猶未散重翻貝葉有來由是名精進纔開

眼巖石無端亦點頭

杭州天竺靈隱二寺頃歲亦布衣一遊及赴鎮  
會稽不敢以登臨自適竟不復到寺寺多猿猱  
謂之孫團彌長其類因追思爲詩二首

李 紳

翠巖幽谷高低寺十里松風碧嶂連  
開盡春花芳草澗徧通秋水月明泉  
石文照日分霞壁竹影侵雲拂暮烟  
時有猿猱擾鐘磬老僧無復得安禪

人烟不隔江城近水石雖清海氣深  
波動只觀羅刹相靜居難識梵王心  
魚肩畫鎖龍宮寶雁塔高摩欲

界金近日尤聞重雕飾世人遙禮二檀林

遊靈隱天竺二寺

徐 夔

丹井冷泉虛易到兩山眞界實難名石和雲霧蓮花  
溼月過樓臺桂子清騰踏回橋巡像設羅穿曲洞出  
龍城更憐童子呼猿去颯颯蕭蕭下樹行

題靈隱寺皖公院

鄭 巢

寒山葉滿衣孤鶴偶清羸已在雲居老休爲內殿期  
嵐昏鳴磬早果熟飯猿遲未得終高論明朝更別離

界石守風望天竺靈隱二寺

釋清晝

山頂東西寺江中旦暮潮歸心不可到松路在青霄

賜靈隱住持德光

宋孝宗

欲言心佛難分別俱是精微無碍通跳出千重縛不  
住天涯海角任西風

宿靈隱寺

潘閔

遶寺千千萬萬峰滿天風雪打杉松地爐火煖黃昏  
睡更有何人似我慵

曲水亭

薛映

臺盤疏石渠激流環四面夏屋有餘清羽觴隨意轉  
賓告醉言歸主稱歡未倦雖非禊飲辰豈謝蘭亭讌

翻經臺

姚鉉

康樂悟元機寂寥此棲息經翻貝葉文臺近蓮花石

鍊丹井

靈隱十詠之三  
舊志所遺

梅詢

仙翁道未成棲神在巖石酌彼山下泉窮年鍊金液  
洞陰春始綠苔鬢秋涵碧緬慕不可期凭欄望鳬島

翻經臺

靈運曾此臺冥心住幽寂重繹葉上書深藏林中跡  
遺文傳竹素野蔓侵苔壁登覽殊未休蒼山日將夕

北高峰塔

高塔列遠岑亭亭幾百載鈴聲答夜風輪影落滄海  
閒雲伴危級曙日平烟彩欲下生暮愁千山閉輕靄

遊靈隱寺戲贈開軒李居士

蘇軾

推倒牆垣也不難一軒復作兩軒看  
若教從此成千里巧歷如今也被謾

同顧保之遊靈隱

王令

閉門不見春色到出城始見江梅開  
行探幽泉至高絕共坐巨石聊徘徊  
時逢天風吹過客還有野鳥驚人來  
林間眇惜所未歷歸鳥空載斜陽回

和鄧溫伯內翰九月七日約遊北高峰

韋驥

幸奉清游入翠微陰雲漏日照旌旗  
登高頂整盂嘉

帽訪古閒尋白傅詩桂子正傳飄窄客菊英先喜泛  
琉璃公歸畱宿湖山暮恐誤郊關竹馬兒

遊靈隱遇雨呈普慈及二詩翁 楊 蟠

山老未容山客去故將雲陣鎖山門雨催晚色凝諸  
嶺雷送春聲落後邨今夜青燈妨月上古人白首把  
詩論來朝山水終瀾汎策杖相隨討澗源

隋眞觀法師塔

東岡人不識野寺在樵漁葉落年年滿春風爲掃除

白沙泉

不見泉來穴沙平落細聲夜高寒月漾銀漢太分明



北高峰塔

郭祥正

翠出諸峰上湖邊正北看夜深雲霧散獨卧斗杓寒

石門澗

啟閉何人見湍流一澗分仙家無路入空鎖石樓雲

靈隱浦

有靈何所隱深浦老蒹葭漁父一舟泊卻疑秋漢槎

合澗橋

兩澗飛來處雲深合一橋更無岐路別從此入烟霄

呼猿洞

隔澗白猿子呼來驗是真一從滄海別號嘯不知春

葛塢

二葛既成仙猶存煉丹處有時化鶴來徘徊不知去

韜光菴

逢人寂無語結草自棲禪但見岩花笑龐眉不記年

西菴

契嵩禪師  
舊樓

釋子能儒言迥出惠遠上菴中閱遺編光燄高萬丈

卧犀泉

有角翻害身沈泉避刀剗故依金地慈非憚滄波遠

青林洞

青帝畱行蹕岩前春不歸儘從霜與雪君看碧依依

白沙泉

幽泉出白沙流傍野僧家欲試清甘味須烹石鼎茶  
翻經臺

盥手天池水熏毫海渚香翻成多少帙臺石尙輝光

靈隱寺

鄧肅

松篁擁翠入雲間雅稱高人養道間自是紅塵飛不  
到一溪流水遶青山

老木森森小逕斜淡烟橫鎖兩三家晚來欲寫蕭疏  
景舉目遙岑望更賒

冷泉亭

徐涓

畏日炎炎爍太虛倚欄冰雪冷生膚百川萬壑非無  
水洗得人間熱惱無

宿飛來峰下作

蘓庠

吳中未歷佳山水湖上懷思去惘然雲去雲來兩峰  
寺鷗飛鷗沒夕陽天客愁官渡落花雨歸夢下湖春  
水船想到對牀成夜雨何須隴月向人圓

入靈隱寺

劉一止

石泉苔徑午陰涼手撚山花辨色香度嶺穿松心未  
厭好閒翻爲愛花忙

靈隱寺

李綱

我昔曾遊飛來峰白猿晝掛峰上松弈然靈光如彩  
虹鐘磬白響金仙宮宦游漂泊西復東雖欲再到無  
由從帝居鈞天陬瀛蓬螭坳載筆侍重瞳逆鱗聊試  
摩神龍謫墮劍浦山重重征鞍來此尋舊蹤恍如夢  
落烟霞中朱樓寶殿飛玲瓏寒泉幽石欣相逢門前  
池館虛含風一洗塵慮清心胸明朝南去隨征鴻惻  
悵勝遊回首空

次韻葉兵部九日不出十日登北高峰

周紫芝

登臨一笑與誰同此事人間未易逢莫恨清尊負重

九且看黃菊笑西風江連北海潮初上山近丹霄路  
欲通向晚歸來得新句便知雲夢落胸中

贈靈隱長老

曹 勛

一笑相逢語上方水雲踪跡覺清涼未論丈室葛藤  
話且喜齋廚蔬筍香閒拄瘦筇隨意立卻愁款段入  
城忙宿山更作他時約枕簟茶瓜冷不妨

冷泉亭放水

范成大

古苔危磴著枯藜腳底翻濤洶欲飛九陌倦遊那有  
此從教驚雪濺塵衣

觀冷泉亭放水

樓 鑰

冷泉淺濁使人愁，開板橫坡去不收。  
岸側細泉穿亂石，始知別是一清流。

夏日寄朴翁時在靈隱

姜夔

風吹松樹枝，懷我松間友。  
雲從北山來，令我屢回首。  
山雲夜夜起，山雨侵人衣。  
遙知竹窗裏，自吟新雨詩。

靈鷲寺

高翥

靈鷲名山萬古名，幾回無事繞廊行。  
殿前流水晴猶急，塔上春雲晚自生。  
鶴傍經牀聽梵語，鳥窺齋鉢候鐘聲。  
我來借得團蒲坐，歸去閒眠夢亦清。

靈鷲寺三首

湯漢

靈鷲古道場攝乎大國間一日忽輦飛四顧無覩顏

又

引泉已成沼對石宜啟窗他年澗上橋爲子書春淙

取東坡兩澗春淙一靈鷲之句

又

南澗靜者徒小試扶顛手期畢棟宇工拂衣入巖岫

登靈鷲新閣

王埜

山從西域來寺自東南有林泉旣奇秀巖穴更深黝  
住僧奮空拳經始亦已久俄然幻傑閣丹碧照林藪  
相輝靈隱前更勝天竺後理公坐厓屋千歲骨已朽



坡翁昔曾遊遺句今在否洞猿不待呼清晝時一吼

次趙貴方九里松獨行韻

杜 範

道機已熟絕隄閒縱步來尋興裏山殘雪點衣消酒  
醉晚風吹鬢帶詩還妙年羨子歡棕足宦步愁予樂  
事慳安得相從塵網外快將如意碎青珊

避暑冷泉

方 岳

火雲散鱗甲萬瓦如炊爍東華車馬塵襪不自禁  
誰能半日閒脫身此窺臨百錢買漁蓬橫截南北岑  
追隨二三子未害山水淫邂逅十八公俱作笙鶴吟  
頗聞彼上人振鬣萬馬瘖試讀沒字碑往聽無弦琴

空堂無枯秀契我回向心清涼一味禪揮玉開煩襟  
笑指亭下泉杉竹涵幽深蘚橋橫三閘龍怒飛出林  
奔雷吼春壑晴雪生午陰人間正炎熱去作三日霖

西湖泛舟入靈隱山

葛天民

晴嵐漠漠水溶溶落葉遮船翠葢重秋色盡爲漁者  
占山光多向道人濃雲連合抱前村樹礪遶飛來小  
朶峰送罷夕陽迎素月樓臺高下自鳴鐘

禱喜天竺由靈鷲過冷泉

張蘊

降香天竺去淪茗冷泉來新徑石間過危亭木杪開  
烟山晴若畫霜葉溼如灰點檢經行處今年未見梅

月夜遠上人游方過靈隱

薛 嶠

一點靈光在月生  
滄海深此中難著語  
何處可相尋  
野寺齋無定  
窮冬日易陰  
聽松行九里  
卻坐冷泉亭

九里松

鄧 林

松是山靈一手栽  
堯天長就棟梁材  
龍髯怒起春風  
急似怪遊人  
喝道來

冷泉亭

徐集孫

山遠源深絕市聲  
許由因此隱方成  
一生獨喜枕流  
好萬事無如酌水  
清野衲洗心滋味  
淡騷人照影利  
名輕輓紅塵裏  
渾如醉誰識斯亭  
可濯纓

挽靈隱僧珏月窗

秋月只清輝窗明人不歸  
嘔心成宿病蛻骨悟前非  
書偈辭禪院緘袈寄母闈  
猿嘯泉石冷客淚爲君揮

冷泉凭欄

陳起

此山泉石勝還思日日登  
那知三生前不是住山僧

靈鷲寺手中烏啄食

潛說友

靈鳥渾覺不相猜啄食翩翩  
手來自笑老軀頑似石被渠  
認作出生臺

題靈鷲

黃初菴

屋畔危岑聳佛青客歸僧定  
掩雲扃洞猿窅窅循牆

過几上偷翻貝葉經

贈北礪

許棐

天下名山行腳遍依然形影瘦伶俜支吾寒暑袈裟  
耐變眩烟霞筆墨靈對客敬如堂上佛讀書通似藏  
中經石頭路滑終難到不是詩禪莫扣扉

冷泉亭

俞桂

步入侵雲嶺亭高路恰平池邊幽樹古水底細沙明  
無友詩難詠逢僧話轉清此中真勝地林寂鳥無聲

香林洞

日月巖頭古翠埋縣雲深隔洞門開蒼藤隨石無根

活靈杞何年有種栽氣凝野烟疑麝過暖熏山雨誤  
蜂來空亭誰領幽芳坐雪鶴同行損綠苔

石筍峰

異種休參玉板禪嶄然一角立層巔遠尖自抱雲根  
壯疊蘚誰疑雨籜纏夢裏三生空過眼胸中千畝漫  
流涎此龍難入室僧譜出土摩霄是幾年

隋觀法師塔

釋遵式

五六百年內金軀亦化塵方知新塚土盡是古人身  
白髮爭名急青山送骨頻除師靈塔外一一好沾巾

游靈隱山

釋智圓

峭拔侵霄極靈蹤不厭尋閒思曾有夢歸隱豈無心  
絕壁烟霞麗幽巖洞穴深那堪思慧理殘日白猿吟

冷泉亭

亭幽無俗狀清景滌煩襟砌壓寒流淺簷分積翠深  
晚花閒照影古木冷垂陰凭檻不能去澄澄發靜吟

鍊丹井

仙去遺蹤在泠泠翠岳邊冷光涵碧甃暗脈洩寒泉  
月映冰壺淺秋澄古鑑圓羽人居止近閒汲灌芝田

冷泉獨賞寄冲晦

釋契嵩

南風掠波溪水滿山中游人來洗浣獨立溪傍清興

款更愛泉流芳草短平生幽討貴蕭散世道紛紜何足算人間五月夏雲煩相約歸來君莫緩

香林洞

釋惟政

香林接幽洞香乳無時滴日暮白雲歸擘之不可得

鄴公菴歌

釋雲知

呼猿澗西藏石笱丹桂蒼松達驚嶺幾年陳迹絕纖埃一旦佳名出清景山家時喜來五馬相攜款曲空巖下遂許誅茅結小菴異日功成伴瀟灑菴成可以資靜觀目前直見江湖寬鄴公政簡每頻到試茶笑傲浮雲端物外似忘軒冕貴此中深得林泉意野人



陪著病維摩遊戲自同方丈地芳猷從此流千載且  
得而今光勝槩

謁嵩禪師塔

釋惠洪

吾道比孔子譬如掌與拳展握固有異要知手則然  
晚世苦凌夷講習失淵源君看投跡者紛紛等狂顛  
韓子亦儒衣倔强稱時賢悲陵作詬語到死不少悛  
後世師韓輩穴攘尤可憐走名不自信逐隊工語言  
譁然皇祐間飛蚊鬧喧闐田衣動成羣怒嚙空自懸  
縮頭不敢息兀坐如蹲猿堂堂東山公才大德亦全  
齒牙生風雷筆陣森戈鋌隱然湖海上長庚橫曉天

作書肆豪猛揮斤莫敢前羣兒雖貌敬臆論已不專  
書成謁天子一日萬口傳坐令天下士欲見嗟無緣  
功成還山中笑語答雲烟我來不及見山水自明鮮  
入門寂無聲修竹滿空軒永懷脩然姿骨骨聳清堅  
僮奴豈知此住此亦彌年指余以石塔草棘北山巔  
再拜不忍去聽此遠澗泉吁嗟末運中那復斯人焉  
文章亦細事清苦非所便但愛公所守遠相諸祖肩  
遲遲哦公詩落日滿晴川願攜折腳鐺結茅西澗邊  
歲時邏松檜來此埽頽磚

靈隱山次超然韻

君亦工詩苦入神冥搜物象故應貧客兒亭下纔相  
見巾子峰前便卜鄰夢裏筆期生蕊萼胸中鏡嬾拂  
塵埃何當鉏斧住山去要看青原一角麟

訪韜光祐公不遇

釋如璧

紫藤伸拳筍破梢楊花飛盡綠陰交道人閉戶不知  
處黃栗畱鳴鵲在巢

次韻靈隱小軒

小軒容膝趣清深只有溪風夜月侵絡石靜移春後  
蔓陵霄危露雨中心松窗舊草秋蛇帖斐兒誰賡雪  
子吟他日幽人問佳致茂林修竹似山陰

題靈隱集句

釋紹嵩

古剎藏幽勝山門九里松飛空花片片落磻水淙淙  
葉積池邊路雲生戶外峰幾回畱我宿吟到五更鐘

張鑑

賈島

徐俛

曉瑩

鄭谷

靈一

簡長

誠齋

韜光菴

釋斯植

石澗長松行十里杖藜從此得遲畱青霄望去山河  
遠白水看來日月流老樹葉殘霜鬼哭斷崖雲冷洞  
猿愁韜光名在人何在千古茫茫幾白頭

元旦領客登北高峰

釋居簡

雲繞簷楹埽不開欄杆直下是飛來笑看白玉芬陀

利領略風烟又一回

冷泉亭放闌

截住泠泠透碧沙  
放開袞袞怒飛花  
石疑初裂蓬婆麓  
鯨擬橫奔海若家  
殷地鼓餘翻霹靂  
噴巖用壯激谿呀  
憑闌小住觀流止  
不獨揚瀾一笑譁

靈隱方丈新閣

鄉來屋老拊崑稜  
欲上看山謝不能  
衡跨半天開複道  
直從平地到危層  
上方近聽嬰兒語  
前塔遙分竺寺燈  
昨晚亂雲收急雨  
憑高如望海濤崩

月夜遊冷泉亭

釋永頤

地靈泉上寺松壑定深清獨聽子規叫況逢山月明  
樹藏春洞黑石擁夜泉鳴日出喧車馬終非隱者情

冷泉亭

元方回

寺門不須入林磴瑩清襟老樹幾前代冷泉如我心  
絕蘿猿接果龕石佛添金別有真天趣月寒秋夜深

飛來峰

尹廷高

湖山獨愛飛來峰孤烟長嘯寒烟中丹霞赤壁藏梵  
宇布襪草履來仙翁松根詰曲絡山骨水光雲氣相  
冥蒙傳流來自天竺國攘奪造化開洪濛吾意此語  
特虛幻豈有重濁能浮空山川大地太始莫何假提

掇迷西東詩人好奇故踵襲眩惑千古欺盲聾是耶  
非耶姑勿論且坐挹此亭間風

靈隱寺二首

王惲

山緣松竹烟光潤寺倚峰巒地位雄凭檻忽驚靈鷲  
上世間真有化人宮

旋開僧牖觀山罷閒逐遊人看市回買得幾錢乾果  
子步穿深洞引猿來

游靈隱

曹伯啟

岩堯鷲嶺梵王城秋氣平分寶界清火宅久居心獨  
苦雲林初識眼增明禪關已被猿參透仙洞誰教鬼

鑿成慚負半生泉石約暫來偷暇濯塵纓

冷泉亭

周權

昔人來自天竺國縹緲孤雲伴飛錫天風吹落凝不去  
化作奇峰聳空碧至今裂峽餘雲髓桂冷松香流未已  
翠光圓住玉壺秋不放晴雷度山趾道人宴坐無生滅  
炯炯層胸照冰雪夜深出定汲清泠寒猿嘯斷西巖月

古杉行題陳兵曹所藏李遵道畫靈隱道中二

杉圖

傅若金

靈隱道中古杉樹上與雲霧相膠葛李侯一見爲寫



眞霜雪蕭蕭起毫末此杉蒼茫幾百年鬼物扶持人所憐貞心豈容螻蟻蝕老幹或有蛟龍纏山靈萬里那得致見者皆驚棟梁器暗壁尋常度雨聲晴窗彷彿生秋氣吾聞大廈眾力持此杉誰能久棄之君不見道邊不材木擁腫百圍安所施

賦得九里松送吳元振之江浙左丞

余闕

結駟向青郊松陰九里遙言從天竺寺自度小春橋偃蹇成芝蓋蕭瑟蔭蘭橈相送將何贈期君保後凋

靈隱寺

黃鎮成

路入西山窮復深法筵應有聖僧臨兩峰塔影天垂  
蓋千佛林光地布金牛笛儻逢圓澤語龍宮還見閻  
仙吟空中更上藏雲洞水樂泠泠奏八音

靈隱十詠

李孝光

靈隱寺

南洲崇西極大山樹崇闕經營緬齊梁宏麗自吳越  
玉水生虹蜺金樞孕初月稍高得縱觀川流淨如髮  
冷泉亭

寒漪亂方樹到景盪晴宇盪觴側江海盈縮見寒暑  
下土方早曠神物閤霖雨水上有佳人不得與之語

蓮花峰

怪石翻厚地神功謝琢飾水深玉井凍風多日車側  
空聞涉江詠尙見嘉樹惜匪石有遺誠我心不可易  
飛來峰

石室藏素猿丹穴養元鷺刻畫鬼力窮疏鑿禹功舊  
貝葉多蟲魚漢玉泯螭紐棟宇何王作後人遂奔走  
鍊丹井

人生百歲期乃欲此金石鬼神守丹火龍虎泛元液  
寒泉石已凍繁露秋易碧往者汲井生高峰有飛舄  
呼猿洞

猿靜不自操棲宿有常處朝飲既在澗暮止俄在樹  
冥冥青楓林上有飛鳥路思爾不可見去隱南山霧

### 水臺盤

幽幽南山下中沚有磬石窪尊絕制度曲流泛醪液  
自鑑媿濯足臨深懷衽席惟應洗心者能使百慮失

### 翻經臺

高臺亦荒蕪雲氣久已寂伊人樹白業後來念遺跡  
蟲魚出華言科斗藏壞壁嗟然不可見風雨日易夕

### 高峰塔

地勢傾東維華岳持厚載靈戶俯河漢孤標拔江海

初日謝芳暉蜿蜒貫華采揚舲指吳粵遙見出崦靄

龍泓洞

陰風肅然至神物在洞府電火走石間虎氣上幽處  
泄雲無時出積雪自太古屈蟠混泥塗作解致雷雨

冷泉亭觀猿

黃玠

俯石瞰寒泉飲之不盈升照影忽自笑相看面如冰  
搖搖松樹枝山猿呼欲應老筋骨疲愛爾解飛騰

游冷泉亭

錢惟善

絺綌生涼坐酒醒暫於樹底弄清冷煮茶博士那知  
味覓句賓王尙有靈石上白雲終日溼洞中瑤草四

時青我來不宿空歸去夜夢廬山漱玉亭

懷靈隱朋獨孤書記

葉顥

每憶湖山下烟嵐半有無西風肥芋栗細雨老菰蒲  
世事秋雲散禪心夜月孤輕包連瘦策吾亦夢江湖  
閏三月四日夏仲信太守邀遊飛來峰和顧子

經照磨韻

陳基

千巖萬壑響奔雷分得西天小朵來雲氣滿林山靄  
玉松陰繞舍榻生苔煙霞遠蹟何當遂猿鶴畱人未  
擬回今日使君蘓白輩醉歸城路近三台

冷泉亭觀猿

張昱

舊從巫峽看猿挂此日山中復見之點與樵薪爭墮  
果捷於風雨下高枝月沈夜澗魂先斷風攪霜空叫  
轉悲應記往年梅嶺事玉環付與老僧知

和僧遊西山

張雨

我愛飛來與靈鷲空洞嵌巖爭穴穿瓌衲深依蕭寺  
住老猿寒抱白雲眠百年山中皆樂土二月江南惟  
漏天遲晴一過繙經室肯爲挈壺從幻仙

至正十五年五月十三日翰林學士黃公晉卿  
福建廉使貢公泰甫訪予靈隱蓮峰堂泰甫有  
詩因次其韻

釋至仁

蓮華峰頭梅雨晴閣老聯鑣尋友生衣冠慣識烟霞  
舊龍象爭看奎壁明海上畱衣韓子意山中沽酒遠  
公情詩成珠玉寫厓石出林一笑天風清

絕句五首答靈隱竹泉和尚并簡徑山古鼎禪  
師

昔別中峰下江南春雨時每思相送處黃鳥轉高枝  
二

十載不相見浮雲無定居荆吳千里意鴻雁一行書  
三

佛日峰頭沒眞風劫外吹千年甘露味總在木瓜枝



雲林寺志卷六  
四

驚嶺宗風盛龍門道望尊不知滄海月還照脊令原

五

梅花如白玉江上吐寒香南國驚春至思君空斷腸

次韻送智西堂歸靈隱

釋清琪

一榻平分鑑古軒熏爐相對坐忘眠山林禮樂無今昔時節因緣有變遷樹影高低深夜月狼聲長短五更天兩冬不得梅花信又約梅花到冷泉

冷泉亭

釋德淨

佛國煙霞境飛來不記年山空聲自答樹密影相連

厓裂藤垂澗峰高塔近天幾番鐘鼓動驚起定僧禪

九里雲松

明 凌雲翰

九里閒雲萬樹松經行記得舊時蹤黃金曾飾宋儒  
字蒼狗豈知秦代封風露橫陳鳴鶴鵲波濤澎湃舞  
蛟龍我來朗誦靈山句清氣飄飄欲盪胸

冷泉猿嘯

飛來峰高多白雲野猿嘯處夜將分三聲忽向嶺頭  
渡一箇真如峽口聞哀雜澗泉遙歷歷清和蘿月白  
紛紛亭中白傅曾畱記明月重來看刻文

靈隱十景

貝瓊

蓮花峰

亂雲交靈巖孤石竦名堯地識金仙隱巖看玉女朝  
香爐分秀色太華並高標恐有峩眉雪千秋尙未消

龍泓洞

遠通羅刹國近接梵王臺海客然犀入山人採乳回  
林間無日月地底有風雷聞道蜿蜒去寒潮白往來

葛洪井

洗藥源頭路通人有石門水涵青壁靜雲與紫霞奔  
鼓翼朝飛鳥連肱夜飲猿仙翁今不見濯足弄潺湲

合澗橋

橫水東西落幽人日夜過  
宛宛龍赴壑隱隱鵲填河  
緬想赤城路潛通滄海波  
遠公不送客芳草澗邊多

連巖棧

危棧梯空上人行杳靄中  
險應踰鳥道幽已出龍宮  
日月三天近風雲一徑通  
何時倚飛翠極目送孤鴻

飯猿臺

猿父識猿性身與羣猿居  
應同支遁馬豈識狙公狙  
共息貝多樹時分香積廚  
黑衣今不至長嘯意如何

夢謝亭

相傳謝康樂曾寄社明師  
此客今爲土何人更解詩

山空黃葉墮歲久綠苔滋日暮高亭坐悠然動我思  
理公巖

山僧住上方高處更蒼蒼不雨雲煙溼長春草木香  
削成看小朵幽絕擬空桑漫識跣趺處白猿今亦亡

題名塔

雁塔高千尺東南遠建標江山畱過客日月記前朝  
鐸受天風震梯經劫火燒四賢誰復繼千古意寥寥  
呼猿洞

白猿呼不至洞口白雲重澗落經霜果崖畱挂月松  
相傳來萬里獨嘯應千峰碧玉環猶在何人識舊蹤

雪逢小朵歌送奎方舟還靈鷲

蓬婆雪嶺高崔嵬橫絕青天飛鳥回山中小朵更奇  
峭石作蓮花千葉開巨靈擘山斷山脈一峰夜雨東  
南擲千金乾竺空有名萬里蛾眉盡無色攢青疊翠  
分西湖洞口白猿猶可呼咸和之年有慧理卓錫尙  
愛飛來孤木杯高僧兩眉雪身如濁水青蓮潔繙經  
石上不知年桂子年年落秋月

次韻靈隱復見心長老見寄兼簡泐禪師

高 啟

高堂鐘鼓毒龍驚曾布袈裟海上城廬岳禪師傳法

印道園學士許詩名幾超北闕瞻天近獨坐南屏對  
月明書到喜聞雙徑老雨花新散滿瑤京

送僧恬歸靈隱

遊方應未久柳色變新年在路逢春雪還山訪冷泉  
鐘催投寺錫燈照泊江船去意休多問無言卽是禪

寄靈隱良泐二長老

張羽

兩禪相對一燈懸驚嶺龍宮地悄然七百年來無好  
句泉聲空繞寺門前

寄靈隱寺不虛上人

卞榮

禪窟儒流得妙傳千番貝葉寫詩篇前身不是韓京

兆今世相逢賈浪仙  
花氣滿湖熏晚酌  
雨聲連日惱春眠  
明朝候我來靈隱  
埽榻焚香石供前

理公巖

陳 贇

蘿龕曾結傍山根  
聞有於菟爲守門  
施食臺荒花自落  
翻經人去石猶存  
雲遮湖上山千疊  
月照巖中像一尊  
鄰寺今餘幾僧在  
數聲清磬送黃昏

合澗橋

綠樹層層怪石重  
東西礪遶梵王宮  
橋間流過雙溪合  
雨後聲喧萬鼓雄  
遊客乍聞成久立  
老禪無聽似眞聾  
碧闌我昔曾來倚  
俗累都教一洗空



閻文振方伯王景端都閩諸公公餞靈隱寺

程敏政

錢塘門外日初紅萬頃湖光一境空白塔蒼松山向  
背畫船垂柳路西東放生字識唐遺碣行在名傳宋  
故宮弔古有情詩不逮一林嘯鳥自春風

飛來峰下舊祇園勝覽平生第一番方丈雲深疑伏  
虎洞門風冷罷呼猿天開圖史丹青筆水雜游人笑  
語喧相對東皇須盡醉一時那得聚高軒

偃蓋松間載酒行才驚飄泊過清明五年別向茲山  
會兩月春無此日晴石古誰參圓澤偈井枯猶帶葛

洪名酒酣又是分攜處情比江湖晚未平

登韜光菴遇雨

趙寬

層層林樾繞羊腸千仞迴盤入上方城市紅塵應洗盡更教疏雨動新涼

送祥公歸靈隱時劉完菴作古感慨有作

沈周

飛花送酒春三月芳草留人雨一川蠟燭未銷香炷在舊遊如夢話前年

韜光菴

史鑑

韜光古精舍遠迹西山岑岡岫屢迴複雲嵐杳深沈

流泉激修竹綠蘿被芳林密葉翳朝陽芳柯承夕陰  
杖策遵微徑逝將支遁尋行行未易卽遙聞鐘磬音  
徙倚絕塵想冥思諧道心  
寒芳詠招隱松風和悲吟

冷泉亭口號與劉邦彥別

君去我獨畱持杯勸君酒明日虎跑泉還來看山否

題靈隱祥禪師所寄扇

山月窺人色皎皎松風振瀑聲泠泠匡牀醉倚忽驚  
起老僧時誦楞伽經

韜光次白香山韻

董溪

磴道盤迴上菩提自一家竹分泉過嶺藤附石開花

問臘看松樹休糧倚蕨芽瓦鐺明月夜木客爲煎茶

靈隱寺

朱朴

合澗橋頭水飛來洞口山鳥盤蒼壁影僧掩翠微關  
松露晝還滴巖花秋更斑一年嘗一到一到一忘還

靈隱寺贈靜公

徐禎卿

聞有千年寺長松信許深冲虛半樓閣落日更登臨  
舟楫窗中小藤蘿天際陰江流明暮靄石澗響空林  
蟠據雄都會風烟異古今幽真余有慕詩義爾能尋  
雲翼無言健淵魚本自沈終期白蓮社來就玉山岑  
飛來峰同楊凡川王碧巖侍御宴

邵經邦

靈鷲山峰擁世尊諸天玉女似兒孫空山石竇移雲  
足響谷巖風斷雨痕驄馬動搖初出郭錦帆羅列駐  
深村不辭迂遠隨流水細酌松花月滿尊

繡經臺

南本繡經處風流謝客兒明霞傳嘯語止水澹須眉  
河岳歸雄伯塵沙禮導師荒臺有遺跡千載見殘碑

北高峰

張時徹

複嶺盤青漢危峰峙碧空頽霞標海樹日月走江虹  
桃片千巖落松陰萬壑重紫薇真可到脫屣會相逢

游飛來峰

張瀚

長松十里晝陰重引入飛來第一峰  
洞裏紫霞明日月天邊青靄插芙蓉  
小橋不斷橫溪路古寺先聞隔樹鐘  
戀賞頓忘城市遠歸途幾處慕雲封

訪岫嶠山居

茅坤

將軍少擊劍恥與世浮沈獨著黃冠去  
言依青嶂深林中看虎嘯花外聽猿吟  
誰謂閉關久猶逢空谷音

飛來峰

王世貞

濤聲不斷舞蒼虬忽爾巔峴萬玉抽  
劫盡修羅移佛土願深阿育湧南洲  
懸崖宛轉疑龍藏疊嶺騫騰盡

驚頭自有真如飛不去幻軀天地任沈浮

千佛閣

靈山高閣迴千佛一燈傳萬古西湖月年年照冷泉

峒巖山房客至畱飲

李元昭

峰巒開霽景洞壑歛春陰蝶粉霑花面蛛絲繫草心  
青霞飛醉盞白雪汎鳴琴且盡山陽賞無勞問解簪

游靈隱寺夜宿澗西房

飛來社詩帖

祝時泰

九里八松陰山門隱雙樹南北兩峰高鷺嶺英靈聚  
茲遊詰夙期年光暢春暮僧筵飽園葵隨雲散幽慮  
石橋度鳴泉荒苔澗西路別構烟霞深巖巒迴迴護

茶鼎分龍團八窗藹春霧日夕欣晴嵐月明溼華露  
萬籟此中寂能使初性悟黃梁夢已醒白髮心何慕  
明發期復來山中有真趣

又

高應冕

宴游遵山阿珠林開遠嶂橫空聳絕壁兀突奇千狀  
與客窮攀躋逍遙得前賞埽雲坐巖石嘯歌出天上  
覽物眷彌重撫化心超曠曲徑旣窈窕葛巾亦疏放  
日落峰迴陰谷空泉逾響月升澗西樹水光同蕩漾  
愛此佳景幽穿林復長往鳴鐘老僧候聽經鳥相向  
握蘭徒結勤此志孰與亮禪關且莫閉分燈同偃仰



又

王寅

朝耽靈山遊暮適澗西住別構分禪關仄徑引叢樹  
瀑泉奔橫梁晴雷倒飛雨崖峭綴軒窗地偏賸幽趣  
谷氣嚴春寒月明徹秋素蔬酌良夜懽蘭襟嘉朋聚  
何必邁道林高談盡元度詞社振希音烟霞本深痼  
任性矢終年勞生戒所誤塵網既近人還當縱遐步

又

方九敘

厭諠慕幽棲惜陰耽夕憩梵宇枕山阿層巒延遠睇  
水石互清華松篁紛蔽翳綠澗蔭芳椒依巖構禪砌  
嵐翠翬簷牙靈籟響雲際曖曖日將頽淒淒風且颺

稍覺朝歡闌還因宵賞滯高閣謝塵囂流泉澄夢寐  
況復偶羊何寧須狎支惠尙子欣遠遊稽康慵作吏  
苟非賢達人詎知身似寄

又

童漢臣

哲朋邁良晤琳宇託深寂鐘磬激冥靄松藤挂禪寂  
高澗駛雙流層峰峙千石唱誦倣維摩莊嚴仰帝釋  
雲蟄試龍鉢月皎呼猿夕沙界儼三千根塵覃八百  
展榻乞伽單茹齋笑芝柏丈室羅廣座普願參十力  
吁嗟畏途子俛仰迅駒隙真理苟不悟魔輪安可息

冷泉亭

王穉登

慕瀑流花急春流飲鹿渾潺湲一片雨終日在山門  
自玉岑逸行人靈隱次秦冰玉山人韻

黃汝亨

愛此長林好相攜朝爽行流泉清瀝瀝遠樹綠盈盈  
乍展秋容媚微窺午影明深山惟鳥道古路有松聲  
取徑非新得探幽覺妙生勝遊矜道侶靈境儼曾城  
便倚雲峰卧徐將竹葉傾醉餘譚未已初月澹前楹  
人日同匡山諸子集韜光菴分得山字

樊良樞

春回雙樹款柴關勝日同人一共攀風引磬聲花外

轉雲依泉響竹間還僧窺蘿月禪心冷客醉梅花吏  
事閒清興坐深忘漏永相將晨策更登山

黃貞父孝廉講授靈隱山中寄訊

錢希言

學士題詩處山阿直待君鷺濤窗外雪鷺嶺幔中雲  
取水猶列木炊烟只飯芹客嘲何必解行有薦雄文  
靈鷲看紅葉期沈無回不至同吳伯霖鄒孟陽  
方回嚴印持聞子與小飲冷泉亭解后邵古巷  
江邦申分韻得山字

李流芳

故人紅葉下頻期來此山經旬始載酒惆悵不同攀  
邂逅愜心賞歡焉開客顏寒嚴愛晚氣移席臨溪灣  
泉光照酒白木葉上衣斑況接隱者論暫令人意閑  
同聞師兄鮑谿父登北高峰宿絕頂僧舍卽事

程嘉燧

雙峰徑轉石林蒼攜客捫蘿宿上方澗飲斷虹明積  
翠湖飛片雨亂斜陽東來島嶼吞江郭西去雲山指  
故鄉夜久禪心同寂歷松風諸嶺一何長

九里松

水流花落竹陰迴石路人稀空翠來元是游春看松

客共穿香店摘青梅

入韜光

灌木夾修篁泉聲綠澗長自同籃輦入更喜酒瓶香  
筍切雲根白瓜淘雪乳涼老僧宜野性敬倒共繩牀

坐月金蓮池

竹根松月白泠泠暗石荒藤坐小螢卻笑林僧也歸  
去夜泉何事不同聽

靈隱夜歸二首

桑路沙中盡峰陰松杪多稻香明露葉溪雨颭風荷

又

雲林詩集卷六  
三  
濕霽夏雲裏僧窗殊可畱前山有飛電催上採菱舟

庚午冬游韜光

文震孟

斜陽竹樹影蕭蕭獨有幽蛩破寂寥萬境不波心似  
水滿庭紅葉映山椒

迴龍橋

錢千秋

鷲嶺東來跨石梁冷泉飛濺定中香橋邊曾作靈山  
會小閣長熒佛火光

峒嶠山房

姚思孝

彼戶無人至如探畫半縑竹香容我飽雲液許君廉  
浪語何妨韻幽囊隨意添仙凡俱是障坐此卽安恬

登韜光

梁以樟

四山青欲下眾樹密難名時有竹光入遠聞泉水聲  
颺抔石子落猿挂翠微行對境忘言說幽情去復生

青蓮山房

卽包莊

陳繼儒

名園極華麗反欲學村莊編戶畱柴葉磊牆帶石霜  
梅根常塞路溪水直穿房覓主無從入裴徊走曲廊

又

主人無俗態築圃見文心竹暗常疑雨松吟自帶琴  
牢騷寄聲伎經濟儲山林久已無常主包莊說到今  
偕倪鴻寶朱美之邵先之施營方陸夢文姚有



僕何壽平過西泠抵玉泉同入靈隱登韜光有  
作

黃道周

茲峰久不到重到倍咎堯慧力歸真宰頑心獨老樵  
村烟未破面野竹尙尊腰欲就此中宿聽松試當潮  
上韜光道

陳子龍

澄氣發層徑午峰秀披扶孤亭喬木下散曠存清娛  
水澗溪尙靜雲暝山復殊廣堂鬱朱草別澗生青蒲  
懸輿攀絕巘返杖送嘔途迭迭映媚樵路虛折限人區  
幽篁疊媚姿飛泉厯虛無鳴鳥谷中怨巢鷗松際俱  
高閣抱雲氣迢遞開江湖四山間無人秋響相奔趨

物慮勞光采遐心適可符

峒嶼山房翠雨閣

汪姬生

耽僻幽人構此樓  
峒嶼怪石澗西頭  
寒生六月疑飛雨  
短葛輕綃未可畱

晚尋峒嶼山居

張遂辰

寺石峒嶼宅厓盤  
路不窮穿林人踏  
葉響地水連筒  
草閣寒雲半石橋  
秋礪中早看蘿上月  
一片墮松風  
靈隱礪中坐冷泉亭作

靈隱由舍礪橋而北  
巖洞窈窕屈曲通明  
峭壁玉削雜木壽藤  
倒懸斜倚根懸石外  
紅碧蒙幕一路

皇朝詩林卷六  
抵寺門爲佳絕寺門翠屏環列下臨溪水冷泉亭  
踞其上波澄黛蓄淡然意深

靈鷲最幽隱翠壁寺門前磊砢百千石一一青蘿懸  
石邊殘雨晴新綠洗新泉眾香發深磳山氣彌靜專  
況彼長松外涼影何瀟然鳴禽不知處忽爾下空烟  
我欲理古曲遺音誰與傳恍逢白居易亭上方醉眠  
從磳西上韜光

韜光由澗西盤折而上徑仄谷寒篴泉潺湲多藂  
灌蘿蔦承翳日光每踞石小坐迴風墜雨幽不可  
禁昔以樓觀海日門對江潮爲勝蓋勝在攀躋不

在眺望

鷲宮已深隱古路尚密茸乃復更西上屢折得奇蹤  
斷橋接空磻泉竹響淙淙我來晝孤冷境清難久從  
山風下橫照石雨墜幽松蒼蒼不可極時聞隔湖鐘  
卽此正迴絕遙心迴且重詎矜江海觀何地無高峰

冷泉猿嘯

西湖八景之一

無名氏

冷泉亭下北山陲曾見雌雄共引兒慣聽山僧朝說  
法能隨木客夜吟詩松坡日暖人遊後蕙帳風寒鶴  
怨時惆悵遺音無處覓竹雞嘯老野棠枝

虛白亭

釋來復

洞然一室生虛白包括須彌百千億卧遊恍訝玻璃  
宮幻出諸天帝青色常作清靜觀廓達含太空水晶  
寒映座上月玉氣晴射窗間虹神光圓照徹中外萬  
物朗融無隔礙空明一色鏡涵天觸目如居燄摩界  
我坐此室依靈光闔浮大樹多陰涼門開冷泉境路  
入無何鄉道人不起那伽定夜明簾捲當銀潢扶過  
毘耶城趨出摩竭方身本無來亦無往安用三千獅  
子牀可知有相皆非實明暗色空誰辨酌莫教童子  
窺習禪誤作水光投瓦礫埽除聖解并凡情純清絕  
點泯見精忽驚兜率海天曉紅輪碾破琉璃青

虞僧孺辟穀靈隱山賦寄

釋如愚

不飯凡僧飯聖僧若爲辟穀碧山層洞雲溪水皆相  
食卻道人間飽愛憎

癸酉同僧彌游韜光已丑初夏重來遇慧光禪  
師屈指十八年矣爲賦此詩僧彌已亡不勝今

昔之感

國朝

吳偉業

峰斷江天豁樓高海日紅鬚眉千丈雪衣被五株松  
扶杖孤雲裏開窗暮雨中聽泉還洗鉢好作淨名翁  
宿靈隱贈晦公

侯 汭

古亭鳴澗記來真忽見澄潭映碧新劫火再興靈鷲

寺儒宗今現法王身松臺印月知何夕禪榻移燈話  
昔塵私愧支硎雞足老浪拋二十二年春

再過靈隱寺贈三目上人

張綱孫

雲門夙昔透禪機又向蓮峰麈尾揮座下不驚狂象  
舞潭邊常見毒龍歸殘鐘石語三車法涼露香生七  
寶衣自喜陶潛來入社登樓重宿白雲扉

冷泉亭

曹溶

寺門羅眾嶺邀我入盤雲天地深無象溪山綠未分  
遙空飛磻坼清梵老松聞幽意何人覺沙邊問鶴羣

上韜光

十年重作冷泉遊，絕頂依然架竹樓。  
輪與道人閒坐穩，春晴天闊數江鷗。

獨過韜光

周亮工

寺裏登山去，韜光景色偏。  
空林無垢葉，絕巘有清泉。  
此地眞岑寂，看人自往還。  
蕭然茶話後，吾意已逃禪。

遊韜光用關六鈐韻

王士禎

岩窵靈境愜探尋，徑轉時聞谷鳥吟。  
廚溜引泉衝澗過，齋鐘出寺到山深。  
飛飛戲蝶捎荷葉，颯颯鳴蟬散竹林。  
司馬遊來成倦客，一椽還擬寄幽岑。

遊韜光

竺重光



探幽策危磴石頂得寒泉坐對不知去身世兩悠然  
偕諸君過靈隱寺宿松靄山房限韻二首

朱彝尊

浮雲乍合山雨微平岡細路風吹衣過橋幾處甌塔  
湧到寺一道巖泉飛斬新白花蕊照眼依舊青竹園  
開扉攀蘿捫葛信公等我與僧彌暫息機  
正喜餘霞射東谷何期簷溜滴階頻且貪是夕翦燈  
話判作來朝著屐人慧遠酒邊能發興周顒肉罷詎  
生噴貓頭之筍一飽足況有青青鴨腳芹

松靄山房六咏

四松逕

松子落五粒松釵橫十尋我來凡幾宿夜夜警皋禽

山茶院

二十四春風一百五寒食自開雪中花至今好顏色

清籟居

一夜雨鳴樹不知雲幾重推窗看曉色對面北高峰

西礪

山僧斲茯苓洗此西礪水宛轉流樹根涓涓鳴不已

栗園

布葉密如櫟結實小於榛時有芻尼至翻飛不露身

竹筧

流泉半嶺來續以青竹管穿過白花籬忽注僧廚滿

韜光

嚴繩孫

遲識韜光路幽修愜晚尋竹分諸院水林合數峰陰  
風雨丹檻古莓苔綠字深靜看前輩語遠愧百年心

有吾鄉高  
忠憲公詩

靈隱寺

舊知靈隱寺此日足幽尋自昔傳飛錫于今尚布金  
江流消劫火山響答潮音桂子丹崖古蓮花碧殿深  
到來惟瀑水近處卽長林夜誦聞猿語朝參見虎心

未能捐慧業已是異塵襟落日荒荒去春烟細細沈  
祇應埽花雨息影鷺峰陰

遊韜光菴

秦松齡

復與諸山異藤蘿一徑通鳥歸孤寺外在百泉中  
竹密亂生綠林疏間落紅坐來殊自失何處置微躬

雨宿韜光

潘耒

山行晴復雨小住亦爲佳瀑怒欲崩屋雲寒時墮懷  
難松便靜坐煮蕨稱清齋豈必吾廬好巖棲願始諧

冷泉亭和蓀友樂天畱仙

陳祚明

峰插蓮花峻泉瀦德水清石從天上墜蘿掛鏡邊生

雲林詩集卷六  
澗響孤亭逼松風列岫橫來游軒冕客遂有掛瓢情  
癸亥五月三日同次谷過韜光畱題

沈受宏

我從此地尋精藍幽勝最愛韜光菴泉聲竹色轉曲磴絕頂一望窮東南湖作杯盃江作帶諸峰雲氣相吐含鷺嶺卻在山腳下濃青萬樹浮烟嵐快哉高閣豁窗牖仙竈遺蹟同禪龕菴中上人我舊識彈指十載過門三老者修髯致瀟灑少者騷雅頗足談我來蔬筍輒具飯所喜煮茗多芳甘空囊那得金布地破費香積應懷慙此別匆匆適閩粵炎天遠道愁難堪

回思靈山隔塵外清景月嶂兼風潭明年定期襍被  
到坐卧十日依瞿雲

丁巳嘉平遊韜光

王撰

攀蘿探絕勝高視極長空海色晴嵐外江畱宿靄中  
竹深千嶂靜寺遠一泉通輸與棲禪客清吟思不窮

斑衣懷古二首

韓世忠別墅

吳農祥

夾岸芙蓉合陰崖薜荔疏角巾依石室高枕倚雲廬  
故國多戎馬將軍狎蹇驢清涼老居士問訊更何如

又

尙見思陵記樓臺有御題威儀開輦道曲折向丹梯

導騎還持蓋高僧共杖藜名園有勝賞日日醉如泥

夏首登韜光

趙吉士

澗水依山曲層陰失晝天一樓浮海日百雉接江烟  
篠簜畱春意松杉結大年此間棲託好聚石與談禪

韜光夜坐

厲士貞

石磴隨溪折巖高眾勢供泉聲不斷壑樹影若連峰  
石靜畱雲宿樓虛待月封清心忘就寐松響入山鐘

坐金蓮池上二首

汪懋麟

春去才逢一日晴深山四月喜間鶯忽來小閣鶯飛  
雨卻是山泉滴瀝聲

朝光絕壁好禪關  
今古遊人自往還  
何事題名畱片石  
高吟只數白香山

冷泉亭

此亭不厭百回坐  
一杖還從四月來  
遊女漸稀山寺靜  
清禽初下夕陽開  
泉聲雨後響尤急  
梵唱晚來心欲灰  
忽憶蘄王舊時事  
跨驢攜酒亦悠哉

韜光呈晦公

柏古

靈鷲萬峰頭  
疏鐘出寺樓  
江湖烟外渺  
巒嶂檻前收  
泉亂晴疑雨  
松深夏欲秋  
天空飛野鶴  
振翼遶滄洲  
晨步韜光道  
中示移暉上人  
陸繁弢



苔徑凌晨步  
籬花帶露垂  
溪雲流不盡  
海日起何遲  
往事每多悔  
他生未可期  
不如歸白社  
杖履日相隨

靈隱寺

王又且

碧殿金鋪十二重  
講筵坐繞百芙蓉  
道人不解風旛論  
獨愛門前六二峰

晚過靈隱寺訪晦山和尚

宋 曹

曳屐夕陽動疏鐘  
晚寂然黑猿窺古佛  
紅樹鎖飛泉  
道氣千山外  
秋風一杖前  
不須復登眺  
飯罷學安禪

宿靈隱妙香上人房

徐延壽

雲藏孤寺迴北面  
見高峰石色埋蒼蘚  
泉聲戰亂松

泥香花下屐月冷枕邊鐘僧恐明朝雨呼歸鉢底龍

韜光

湯右曾

澗橋徙倚老松根肅肅巖扉晝不喧坐覺清風生石  
壁行窮修竹見山門依依烟郭江光繞點點林鴉海  
氣昏卻怪白沙春漲闊遊人指點說潮痕

遊韜光贈山止上人

王原祁

捫蘿厯磴倍添幽乘興還須到上頭竹樹平分雲外  
出江湖一望閣中收山僧欲話當年事刺史空傳昔  
日遊爲愛嵐光應惜別愛君佳句更淹畱

韜光看泉

繆彤

潭影當窗靜，泉聲入竹幽。晴時長帶雨，夏日竟同秋。  
花有金蓮放，魚多赤鯉游。香山詩句好，讀罷向林邱。

冷泉亭

李德

一脈西山水，分流過此亭。凭欄諸念冷，倒影眾山青。  
花落憐春色，人來是客星。乾坤餘我嬾，白眼爲誰醒。

同邵宮詹靈隱寺觀說戒

龔翔麟

前游詩債未曾勾，又向湖邊上釣舟。靈隱寺前天竺  
後，綠肥紅瘦麥初秋。

寶馬香車赴道場，華鯨法鼓震僧廊。風流二老閒相  
挈，也趁藜林灌佛忙。

石翁峰

石翁槎牙勢分明走緯龍欲排霄漢上時有白雲封  
卓筆誰相擬采芝人未逢再來猿已熟拄杖得從容

九日飛來登高

張孺懷

良朋九日共相招一徑攀崖倚碧霄漁浦霞明當落  
照海門風急上秋潮重巖細菊開樽得絕澗飛泉出  
樹遙歸路上方鐘磬晚松陰竹色冷蕭蕭

靈隱訪諦暉和尚

邵錫申

六橋迤邐虎溪深三竺嵒巖龍樹陰石湧樓臺排漢  
出潮迴鐘鼓帶星沈高僧廬阜開蓮社才子魚山賦

梵音借問西來何所道  
洞門閉鎖白雲心

上北高峰

譚宗

登山便不慵  
攬起北高峰  
曉塔眠雲鳥  
春泉養洞龍  
海風朝影殿  
天樂下疏松  
一自西陵別  
那知此地逢  
癸巳孟夏游韜光菴還坐飛來峰下作呈山公

閒士

王式丹

層巖峩嶢俯清流  
騁目登臨占上頭  
近郭烟橫不斷  
樹隔江山入最高  
樓窗搖竹色精廬  
近門聽潮聲古剎  
幽坐玩奇峰不歸  
去欲移家具住杭州

甲申九月廿七日宿韜光作

查嗣璽

夜氣初澄萬里秋尺吳寸越兩悠悠忽驚紅日當窗  
起天外金光海一漚

靈隱寺

顧嗣立

高峰勢插天北有青蓮舍石橋俯碧溪澗草青可藉  
入門寒颼颼陰鬱頗長夏江聲走雲根湖光流樹罅  
猗歟梵王宮仙居誰與亞魚鱗排屋簷蘚磴任淩跨  
佛殿敞以宏講堂清且暇徐行入佳境悠然如噉蔗  
穿廚繞曲房石上寒溜瀉山春草木香嵐氣爭變化  
巖半一聲鐘飛墮石梁下

遊雲林寺

常安

武林山水自天開，牽率遊人往復迴。  
石筍楊梅爲輔翼，蓮花月桂是輿臺。  
泉多咽砌供猿浴，公老畱雲任鶴偎。  
慚愧香山白太傅，政閒數數入山來。

秋日與程風衣坐冷泉亭

寺門臨石瀨，秋葉響楓林。  
嵐氣變朝暮，溪光自古今。  
危亭面峭壁，偃松羅清陰。  
接飲有山猿，對嘯多野禽。  
日影不得到，烟靄空蕭森。  
冷態異濁流，塵囂任浮沈。  
鑑茲寒碧色，寫我清曠心。  
與子成舊侶，閒坐發幽吟。  
憶登釣臺上，懷古覓知音。

飛來峰尋理公飯猿處

秋雲壓徑山木秀清霜點苔石痕瘦老樹垂藤百丈  
懸瀑飛寒玉環峰走白猿何處叫西風夕陽洞口烟  
濛濛聞道當年僧慧理齋餘香飯施猿公飯猿有臺  
儼壁立我來不見眾猿集冀於月夜得聞聲不似巫  
山韻悲咽理公理公導禪津頑石點頭猿亦馴鷲峰  
終古不飛去花龕深處四時春

壬戌秋日偕程風衣陸虛舟遊韜光菴

金天氣森爽晴光媚秋容西流大火盡百卉零露濃  
幽興自然發遠欣二客從登舟復攬轡迤邐循高峰  
雲林暫休駕鷲嶺插層空言尋古巢塢紆迴一徑通



松篁飢眼碧楓栴染未紅捫葛叩禪室澗泉響淙淙  
老僧具袈裟迎我蓮池東趺坐嗅妙香清涼心地融  
小蛇名蜥蜴出沒未化龍與語多微諦潛心南北宗  
相邀登傑閣恍若跨蒼穹四望渺無際肯惜目力窮  
江濤與海浪如聞聲洶洶眾峰兒孫立湖水一盂同  
亭午日色淡古甃鳴寒蟲老僧呈詩籍始自香山翁  
沿革六七代畱題盡名公就中論佳句頗覺時賢工  
莅浙斯遊最所嫌太匆匆回瞻杳烟霧落日已下舂  
率客返歸路林鴉噪夕風舟中仍小酌擬咏繼前蹤

觀雲林寺竹竿引泉

山腹流泉漫浩浩穿雲絡石縈蘿島琮游聲落梵王  
家錢源龍湧東西抱林坡肇確寺後斜山僧競把泉  
源討截竹剡心曲折通挽得銀河落晴顚跳珠走玉  
響泠泠不與溪流爭故道涓涓滴滴入香廚餘波猶  
得灌瑤草漢陰老人憎桔槔此方更比桔槔巧試看  
齋鉢溢清泉海眾不愁生熱惱

秋日同程風衣遊飛來峰

秋霜拂拂襲衣寒靈鷲峰頭木葉丹浮世易隨駒隙  
過與君同作畫圖看山空四面皆通徑泉冷終年不  
起瀾莫謂宦途多逸興良朋好景欲并難

秋日登北高峰

虎林最高峰勢欲摩青蒼眾峰如兒孫羅列侍四旁  
分星侵斗度占位居坎方火雲秋不收海氣騰朝光  
澗流汨汨響野草霏霏香探幽性所便陟巘復緣岡  
彎環三十六拾級褰衣裳須臾臨絕頂極目高鴻翔  
慈塔廢已久禪扉亦荒涼殷勤懷古意四望空茫茫  
舍策坐團蒲安所得壺漿路遙恐莫致悔不理游裝  
宦遊四十載寓目皆難忘斯地恆素心信稱雲水鄉  
小詩聊記事但愧不成章

冷泉亭

峰下流泉泉上亭  
泉聲亭影鬪清泠  
石危長倩松根護  
澗響難教俗耳聽  
月照洞中猿浴子  
葉飛嶺畔鷺梳翎  
我來倚檻觀魚樂  
時有天風語塔鈴

早春陪彭少司農石源遊雲林寺

北峰之麓靈鷲前  
龍宮丹碧護冷泉  
蒲牢一聲集縉侶  
法螺香梵傳諸天  
幽境四時宜探討  
當春巖壑鋪芳草  
花綴柔條爛熳紅  
鳥鳴高樹圓吭好  
我有嘉賓佐大農  
書林武庫羅心胸  
自是西清著作手  
曾持玉尺眾所宗  
臘日浙東有疑獄

詔命我公理直曲  
片言初讞稱平允  
賓筵乍啟悵歸

促請公乘興作閒遊問水亭邊上小舟九里松陰迎  
節蓋行行直到澗西頭古寺稽年始晉代雲林

宸翰輝朝采海氣遙升日氣中江聲時雜鐘聲內懷古

登樓思渺然延清佳句至今傳

延清宋之問字

試憑鏡檻觀

魚樂不覺塵氛盡棄捐共言此遊乃良覲道合心同  
情更適公如有意記長篇山靈應喜百朋錫

癸亥仲春八日陪少司農彭石源重遊韜光

白香山蘓東坡韻二首

我來曾叩此禪門秋葉春花景自分冰泮蓮池分淨  
水光生佛頂覆慈雲離離雪影當窗見隱隱松聲徹

耳聞同上羣峰最高處頓將塵慮釋糾紛

紆迴竹徑疑無路掩映杉扉卻有家束縛久如轅下  
馬登臨暫去井中蛇野鷺日暖爭修羽仙杏風和漸  
著花嘉客莫嫌生活淡冷泉亭畔酒帘斜

重九前一日偕友游韜光

沈元滄

翠竹丹崖仄徑通昔年曾宿此山中寒泉聲裏三更  
月晚桂香邊一笛風不待逢仙悲往夢久思投社作  
禪翁吟牋茗枕消閒日未識高人許我同

題雲林寺

張雲卿

六朝金粉屬蒼茫鷲嶺巉巖直指堂不是五丁輪鬼

斧何由干佛剎靈光猿聲實帶湘江雨桂子終畱月  
地香百劫紅塵飛不到欲將心印問空王

同巨觀游韜光

景星杓

初從雲林登俄就石橋轉曲磴屢迴互叢篁倏隱顯  
攬衣徑烟綠穹然造絕巘不知天復高下視羣峰淺  
孤竈栖一泉南楹面雙筍小畱巖桂側翻經談奧典  
且從龐眉僧苔龕午供飯

冷泉亭看水

吳焯

陡覺寒聲起翠陰隔溪銀竹映森森幾棱石齒鎖巖  
腳萬簇雪花飛水心雁蕩成秋通海尾魚山有梵聽

潮音不知此地頻來往便我中宵冒雨尋

寧峰院晤潘朗君兼看徐杉亭畫壁

偶爲聽泉向夜行寺門未啟客知名乍來竹徑坐孤  
閣聊共龕燈話半更風雨蕭寥詩一軸雲山貽蕩壁  
雙清頻年我慣游吳會裙屐徧教此處迎

癸亥春日錢塘明府王諱緯偕張司馬過金沙

港時行童進茶茶品不一坐客訝之明府戲曰

雨前雨後總名茶囑主僧作出句義果以雲外

雲中皆是客應之坐客甚喜明府復偕義果送

聯成律



禪關靜掩在金沙爲訪桑麻暫駐車禪雲外雲中皆

是客果雨前雨後總名茶禪先春滴露成團鳳果微

笑迎風落講花禪慚愧山僧清供薄一甌嫩色泛晴

霞果

秋日小憩白雲山房

汪坤

乳竇峰前路秋聲入徑聞寒泉千澗落翠竹半窗分  
石瘦堆黃葉山深貯白雲結廬塵境遠趺坐到斜曛

白雲山房

陸秩

卜築依靈鷲軒楹在翠微竹聲圍石几僧影到山扉  
白髮人眞澹青山願不違一枝如可借願息漢陰機

白雲山房

杭世駿

白雲深處掩蒼苔  
文練垂窗面面開  
曲水暗流花徑去  
奇峰多抱小樓來  
愛晴拭几頻看畫  
埽榻畱賓漫舉杯  
最好萬竿修竹上  
一層青翠飯猿臺

冷泉亭

桑調元

適從絕壁來如漿  
翻白汗少憩面渟  
泓沁骨不待盥  
潭潭虛白光一鏡  
涵止觀清極少龜  
魚石髮風漪散  
春淙雨後盈落澗  
飛瀧悍喧靜本同  
波對境發三歎  
今晨游屐稀孤影  
漾泉畔山林其許  
我猗玗稱浪漫  
飛來峰

造物娛畸人墮此嵌空石幽淙一滴寒春苔幾重碧  
洞陰小沮洳正可度臘屐霽散雪竇烟四罅天光圻  
探奇思遙夜破碎穿月魄黠猿攀蘿窺識我非生客  
陰房透底虛訝徑削面窄靜聽冷泉飛倒礪聲崩渚  
老樹蟠巖根棧雲掛孤策莞彼腳拔塵艱於烏頭白  
新夏同沈方舟陳懶園翁允大厲樊榭游靈隱  
過冷泉亭遇雨時方舟自金陵還期而不至者

家兄靜山

蔣宏道

老友還故山良會成小訂買舟發明湖斟酌極幽勝  
披翠覓靈峰窅冥猶可認樹老雲氣封泉冷雨聲應

接膝坐空亭曠言得心印彷彿竹溪遊缺一興未盡  
歡笑復流連永日同一瞬再期踏清秋但恐疏雙鬢  
西顧霽景微林中響烟磬

坐冷泉亭

鮑 鈐

雲林何限好亭古近招提石澗泉猶澀春山綠未齊  
梵聲松影裏樵唱寺門西借問呼猿處空巖鳥亂啼

題岫巖山人舊隱

釋正崑

幽心懷蕙草春晏掇餘芬山色深不見谷聲如有聞  
唐虞今邈矣巢許事空云欲識當年意岩岩望白雲

過雲林訪巨濤和尚

沈廷瑞

檣棹行經葛塢松松陰拄杖憩遊踪雲林突兀前朝  
寺梵唄高寒清曉鐘法席重開皈淨侶香臺遙映矗  
靈峰老夫久矣息塵慮白社流風樂景從

冷泉亭

孤亭時徙倚萬象縱流觀對此一泓淨令人毛骨寒  
影垂霏溼翠響激激危湍我亦忘機者欣欣魚鳥歡  
止宿雲林文室與巨公話別

山房鄰絕巘一榻枕雲眠涼沁深秋後燈明古佛前  
心清聞定板鼻觀溼香烟萍水孤蹤客禪棲別有緣  
題新修雲林寺圖爲巨濤和尚作一百韻

厲鶚

擅秀明湖曲鍾祥竺國鄰  
湧分龍蚴蟠峰聳鷺翻翮  
洞古聽猿嘯巖迴得虎馴  
覓流空際雨花界定中春  
裁宇原依晉繡經漫數秦駱丞  
吟海日達叟弭濤神  
樹識西天栗叢標北戶筠  
崇基先薙草表剎屢揚塵  
兜率英規在嶠閭異跡陳

聖朝恢正教尊宿導迷津

謂具德和尚

白業鍵椎妙青霄結

構新金繩除劫燼寶網闢荒榛  
簷翼翔霞外亭楣揭  
水濱禪棲何眇眇信鼓更齧齧  
億眾持芳饌烝徒侍  
氍毹巾郅隆當繼治

皇豫歷時巡雉扇松門轉鸞鑣柰苑遵

奎文通八解

睿藻照三身壑迴吹仙籟雲深拱紫宸傳燈誠有數憩

錫亟需人獅座安逾甲鯨鐘叩過申勞橈隨電落丹

粉共霜泯嵐暗諸天像山悽禮塔民中興看慧命大

事問前因一鉢來京口雙旂駐澗濤

巨公爲丹徒人

經營閱

腰臘檀施歎酸辛洪願匡緇侶清修感上賓寓公延

杖履至誼本慈仁

謂汪光祿萬松

發甕書函悟登階覺地親

宰官今世現長者夙緣伸須達應同號伽陀更不磷

蕪家金罔吝和氏璧非珍廣度毘尼戒宣揚如意輪

荆襄輪梓杞吳越召陶甄九乳雄樓峻千香傑閣勻  
眸容臨丈六紺殿測由旬締造蹤仍舊莊嚴力與均  
朱薨舒鳳翅雕砌甃蚪鱗棋畫拖虹彩楹彤麗燭銀  
風琴鳴窸窣岫幌映紛綯台岳尋靈驗高堂拜應眞  
屋環田字樣材藉匠師掄劉塑形疑活曹衣摺似搆  
攝儀齊儼肅列坐若嶙峋相好唐兼梵魔摧喜復瞋  
以上敘度戒僧六百建轉藏殿鐘樓梵香  
閣重修大雄寶殿田字殿塑五百羅漢像僧坊閉並  
飾靜院隙重紉剝腐藥櫨具傾欹板築頻園開藍輦  
菜膾庀睦州薪浴榜朝初換齋庖午最振孟嘗畱取  
鑊子敬指餘因改範勞良冶精銅聚令辰飛廉欣構



炭屏翳怒融銀爐啟圓穹蓋泉投萬斛螭湯蓮炊激  
灑玉粒漲璘璣法食充虛腹馨聞動佛脣構乾寧委  
土米汁可行輪以上敘修禪堂寮舍勝景奚煩擇程  
功尙未竣逶迤鋪澀路次第補堙隄岸峭幽淙駛橋  
堅暮靄屯鏡奩搖繡桺波底涌華振望景眸爭鷺朋  
遊趾集麇到遲尋月桂去便詠汀蘋婦孺瞻彌切焚  
修浴倍瀉魚王方溯溯蛇種亦歸閩核果供摩勒望  
望獻屈眴浮圖楊銜記洒埽宋雲論以上敘砌寺外  
路築石門澗岸  
堤及修冷泉亭新  
建迴龍橋春涼亭慨彼稱懸薄惟知巧算緡涼軒淒  
象簞煥館熨貂茵么鳳偏教舞妍蛾雅試顰膳夫殫

瑣瑣酒史棄諄諄寵勢謀攀竇賢名肯友荀霍奴驕  
使氣鄧析訟連嫺輦賄填溝壑輸賓謝主臣竟令空  
室瞰豈植福田酌智讓生生鳥心慙趯趯波江誰  
弭楫旋里有紆紳粟濟窮桑餓囊霑庇葛貧膠庠甦  
涸鮒襦袴逮垂鵲稅代償逋戶財堪慰厚窀榮加卿  
寺秩譽借比閭詢社樑纔辭歛陔蘭適守鄞時光祿令嗣出  
明守四善根簪紱盛淨域煥巍臻震旦傳無盡恒河永  
弗湮中丞揮巨筆太史染貞珉落成時大中丞常公撰碑文侍讀鄭爲谷  
先生璣貝頒遺哲壇幢萃此晨還將東絹滑細寫素  
書丹

豪純小李堆濃綠迂倪暈淡皴磬頭摹碧潤石腳皴

蒼嶂點綴稽留躅微茫帝釋偵郭髯推界畫范緩出  
闌楯影矗琉璃道烟橫舍衛園四圍羅夕牖百丈倚  
秋旻八部楞迦肖珍池長壽倫面羸休類覓腕勁欲  
揮蕁繞磴森梧竹周墀雜葛薜徐熙赤鸚鵡韓幹白  
騏驎絢合驚懷悚澄觀止目矚被珠過笠澤賻錦送  
淮垠險韻差肩陸奇思直尾釣憑增武林事久久歲  
踰椿

癸亥秋游雲林訪巨公於面壁軒

去年秋雨聲蕭颯面壁軒中寄禪榻曉起推窗失四  
山白雲正滄神尼塔今年秋霽風灑然饌頭重舉舊

因緣隨時喫飯看山坐不是諸神五味禪

巨公重建春淙亭於清繞橋詩以落之

高僧能復古華構樹陰閒倚檻宜聽水登橋好看山  
魚隨落花出龍帶暝雲還只在斯亭下春來賸占閒

春淙亭次樊榭韻

陳章

翼然亭子影忽照迅流閒倒濺三春雪平臨小朵山  
酌時誰識味聽久竟忘還晚共高僧語交頭拄杖閒

冷泉亭圖題詠

附錄

三月十八日石田西村二君招予遊西山予與  
汝其通先行憩冷泉以俟少焉二君至予詩適

成諸君繼作石田仍寫圖畱爲山中故事俾予  
錄於上蒹葭倚玉媿不稱也 鐫英

雨晴林壑淨朝暉一路看松入翠微芳草似曾畱客  
卧黃鸝渾欲近人飛相逢巖叟收茶早久別林僧會  
面稀同在冷泉亭上坐賦詩題畫澹忘歸

次韻

沈周

入林兒子送斜暉酒面風清色漸微白髮再來渾覺  
老青山久住不重飛老僧古寺相逢熟故國遺蹤欲  
見稀千箇長松卧房近吹燈還照鶴羣歸

同作

史鑑

八圖山澤遊苦爲風雨款驚雷破重陰及晨陽已顯  
逶迤入幽深厲揭波清淺靈山傳飛來合澗互回轉  
蘿垂手可捫松高蓋惟偃陽厓丹霞凝陰洞蒼雪滿  
秀色如可攬絕巘竟誰棧眾竅因風號羣芳遲春衍  
追念平生歡厯厯猶在眼幸逢新相知已少舊遊伴  
老僧久見招相攜集閑館解衣任盤礴覽物適蕭散  
形忘慮則消情至心莫展寄言同盟人對酒歌勿緩

又

汝泰

肩輿侵曉別春城路繞西湖宛轉行滿眼青山曾識  
面倚雲高樹不知名同遊喜有同鄉客勝日還尋舊

日盟忽聽奔雷鳴澗底問人才道是泉聲

沈徵君冷泉圖真蹟舊爲靈隱僧房物藍秀才  
謝青購得之爲先大夫壽在余家二十年矣躑  
躑輒紅言歸未遂對此恍置身故山林壑間不  
覺神往因和鐫汝二君詩并記得圖始末

龔翔麟

曾倚孤亭送落暉雲林風景記依稀泉聲咽石奔難  
住嵐氣侵衣溼不飛歲月漸催塵跡老鄉山久別夢  
遊稀吟詩看畫生惆悵白髮滿頭猶未歸

扁舟自別錦軍城日日銅街信馬行畫裏青山逢舊

識眼前烏帽笑浮名秋風縱爽薄鱸約烟水終尋鷗  
鷺盟記取歸時攜卷軸先來亭上聽泉聲

次鐫賓山先生韻

吳焯

晨坐高齋竟落暉祇緣讀書悟幽微聽來畢靜水生  
響看到出神峰欲飛往事重題真感慨舊遊如夢記  
依稀回思羣屐經行處空惱耕烟閣筆歸

龔田居先生曾屬王

石谷臨摹此本

又

沈嘉轍

卧看詩畫兩相暉遐想當年結思微古木三秋猿已  
去寒泉六月雪橫飛風流往蹟誰能續墨瀋猶香知



者稀曾憶晚來成醉後一亭烟靄坐忘歸

又

厲鶚

石瘦林香起夕暉風中似有磬聲微好山招隱貧難  
買妙畫通靈久亦飛題字尙畱前輩在聽泉今見解  
人稀頻年不踏松陰路卧以遊之卻忘歸

又

施謙

石翁乘興寫春暉三百年來古意微雲氣未隨蒼狗  
化泉光猶作翠蛟飛依然照眼林巒秀淒絕聯吟耆  
舊稀笑指孤亭畱戲語投閒曾見幾人歸

追懷田居先生

又

趙昱

飄蕭落墨染晴暉  
幻出靈機思入微  
流水縱橫秋影澹  
亂峰點刷白雲飛  
興乘野趣僧過早  
夢破花香客至稀  
我獨烟霞已成癖  
團瓢結得便忘歸

又

趙信

琴書一榻挂清輝  
坐展淋漓畫入微  
花逐泉聲來崦嵫  
外寒侵木葉傍簷飛  
相過笠屐三生舊  
此景湖山半壁稀  
觸撥心情思往事  
老僧曾約看雲歸

又

丁敬

清詩直比謝元暉  
寫入丹青更入微  
林影尙如翳石瘦  
泉光渾覺抱亭飛  
山中故事看誰續  
畫裏高流得

見稀片紙真堪敵瓊玖幾經遼鶴憶人歸

又

陳章

明湖翠岫逗清暉冷燭他鄉夢境微對雨會心泉不  
斷聽風閉目葉都飛家山無那悲常隔殘楮如斯見  
亦稀塵土行旃能借我客中展處當身歸

又

姚立德

山僧有約占餘暉拈取松花一笑微院靜幾時參佛  
去泉喧終日礙雲飛小亭風景常如舊此轡流傳見  
亦稀好與安心聊位置筇屨拾句但將歸

又

趙一清

詩情真是謝元暉  
畫裏探幽思  
入微流水有時鳴  
汨汨棲雅不定故  
飛飛孤亭延賞襟  
懷得古老行吟歲  
月稀攜向松間少  
投憩未妨斜日聽  
催歸

坐冷泉亭

符之恒

寒松韻長吟  
吹落風前句  
幽子忽自得  
晚影一亭聚  
遙見破衲僧  
擔筇入深塢  
山空擁春雲  
商略中宵雨

靈隱寺贈諦暉禪師

鮑 鈇

三年曾一到雲水  
素相親僧老頭鬚白  
山空花草春  
午齋參玉版  
香界轉飈輪  
舊識梅檀味  
從師證法因

冷泉亭

馬曰璐

雲林寺志卷六終  
鐘韻一星星幽尋獨此亭山從入寺好泉欲過時聽  
冷氣怯春服清暉隱翠屏我來崑下坐刻石記曾經  
和樊榭春淙亭卽用原韻 張四科

誰復斯亭舊風泉礪戶間清寒徹危檻幽響答空山  
宿鳥驚仍下浮花去不還明湖徒夢想眺聽愧君閑  
春淙亭和樊榭作卽用原韻 閔華

重構此亭古潺湲一水間帶花流別澗和雨響空山  
目送行雲去心期飛鳥還我來憑檻久清話與僧閑

雲林寺志卷六終

增修雲林寺志卷七

遺事

明僧大善西溪百詠序云北高峰塔唐天寶年建中藏古佛舍利初建塔時有一花犬每隨工匠銜輒石置塔所至頷吻流血於荒榛間得一石佛缺左耳犬卽跑古寺基出耳湊合又一僧夜坐塔下虎欲噬之忽大蛇從塔頂噴霧作雨虎卽吼而去按此事出太平廣記

李翱來南錄云元和四年二月戊子至杭州己丑如武陵之山臨曲波觀輪春注曰卽靈隱天竺寺吳

虎臣云按杭州無武陵山當是筆誤恐是林字晉  
書地理志吳郡錢塘縣武林山武林水所出當時  
錢塘屬吳郡又見前漢地理志

太平興國八年秋詔通慧大師贊寧撰大宋高僧傳  
三十卷王內翰元之贈詩有詔修僧史浙江濱萬  
卷書中一老身之句

東坡鎮餘杭遇遊西湖多令旌旗導從出錢塘門坡  
則自湧金門泛舟絕湖而來飯於普安院徜徉靈  
隱天竺間以吏牘自隨至冷泉亭則据案剖決落  
筆如風雨分爭辨訟談笑而辦已乃與僚吏劇飲

薄晚則乘馬以歸夾道燈火縱觀太守有老僧紹興末九十餘幼在院能言之嘗是時此老之豪氣逸韻可以想見也

政和中僧惠雲於冷泉亭前又作小亭郡守毛寶文友命去之爲詩并序云昔人以爲冷泉未極其妙因加小亭其上然泠然水光潄然山翠以故去者過半予以謂不必加工但去其尤贅者斯善也如明鏡中而續畫非不美好所以爲清明者逝矣拂拭菑翳舊觀復還詩云面山取勢俯山中亭外安亭自蔽蒙眼界已通無礙物胸中陡覺有真空試



尋樞響驚時變

洞中事

卻聽猿嘯與舊同

白猿事

萬事

須臾成壞裏我來閱世一初終

宋丹陽葛澧作錢塘賦中有云傍西深入巖谷益秀  
上下天竺靈隱靈鷲爭出奇巘互獻重岫烟籠黛  
染澤通雲覆九里之松徑陰陰萬脈之冽泉滔滔  
數語簡而能該

周益公玉堂雜記云嘗自德壽宮後垣趨傳法寺望  
見一樓巍然朝士云太上名之曰聚遠而自題其  
額仍大書東坡賴有高樓能聚遠一時收拾與閒  
人之詩於屏間靈隱寺冷泉亭臨安絕景去城旣

遠難於類幸仍卽宮中鑿大池續竹筒數里引西湖水注之其上疊石爲山象飛來峰宛然天成某作端午帖子云聚遠樓頭面面風冷泉亭下水溶溶人間炎熱何由到眞是瑤臺第一重

高宗旣居德壽時到靈隱冷泉亭閒坐有一行者奉湯茗甚謹德壽語之曰朕觀汝意度非行者也本何等人其人拜且泣曰臣本某郡守得罪監司誣劾賊罪廢爲庶人貧無以餬口來從師舅覓粥延殘喘德壽惻然曰當爲皇帝言之數日後再往則其人尙在問之則云未也明日孝宗恭請太上帝

后幸聚景園德壽不笑不言孝宗再奏亦不答太  
后曰孩兒好意招老夫婦何爲怒耶德壽默然良  
久曰朕老矣不聽我言孝宗益駭復從太后請其  
事德壽乃曰如某者朕已言之而不效使朕媿見  
其人孝宗曰昨承聖訓次日卽以諭宰相宰相謂  
賊汚狼藉免死已幸難以復用然此小事來日決  
了今日且開懷一醉可也明日孝宗再諭宰相遂  
復原官予大郡數日德壽再往其人曰臣已得恩  
命專待陛下之來謝恩而去

宋楊郡王取無著禪師塔爲壽地遂啟其塔乃陶龕

容色如生髮垂至肩指爪皆繞身舍利無數畱三日不壞僧肇淮海有詩云一定空山五百年不須惆悵啟顏瓢路邊多少麒麟冢過眼無人贈紙錢南宋時有僧於韶光菴降仙請至釋子蘭以下十人凡七士三釋皆唐人能詩者各書一詩語極奇絕曲盡其景見武林舊事惜其詩之不存也

紹興中韓郡王旣解樞柄逍遙家居常頂一字巾跨駿騾周遊湖山之間纔以私童史四五人自隨時李如晦晦叔自楚州幕官來改秩而失一舉書憂撓無計當春日同邸諸人相率往天竺李辭以意

緒無聊賴皆曰正宜適野散悶可也強挽之行各假僦鞍馬過九里松值暴雨眾至迸避李奔至冷泉亭衣袂沾溼愁坐長歎遇韓王亦來相顧揖矜其憔悴可憐之狀作秦音發問曰官人有何事縈心而悒悒若此李雖不識韓但見姿貌魁異頗起敬心乃告以實韓曰所欠文字不是職司否答曰常員也韓曰世忠卻有得一紙明日當相贈命小吏詳問姓名階位仍詢居止處李異謝感泣明日一吏持舉牘授之曰郡王送來仍助以錢三百千李遂陞京秩修箋謝韓王欲展門生之禮不復見

秘監陸放翁嘗問松源曰心傳之學可得聞乎源曰  
既是心傳豈從聞得公領解獻偈曰幾度驅車入  
帝城逢僧一例眼雙青今朝始覺禪家別說有談  
空要眼聽

放翁西湖春游詩云靈隱前天竺後鬼削神剡作嵒  
岫冷泉亭中一尊酒一日可敵千年壽此翁之耽  
玩鷺峰幽勝可謂極矣

乾道初臨安靈隱寺後山茁一葦圓徑二尺寺僕見  
之喜其光明潤澤採以納長老長老驚詫以爲目  
所未覩謂之曰我固願食異味然合院三百人今

不過能及十之一非我法平等意也於是賁餉楊郡王楊亦訝其大曰是當以奉王食乃奉獻於孝宗詔以賜靈隱蓋初不知其所從來也迨復持至寺已經日盤內頗有汁沾濡兩犬在側爭舐之俄頃間皆趺足若狂眼突毛顫仆地死諸僧乃悟爲毒物使之入天庖寧不大爲咎累亟瘞諸深坑而不暇窮其根本惟萬乘所御自是神物護持楊王亦大貴人長老不私口腹故皆脫於意外之禍

瞎堂禪師舊畜一猿頗馴因衣之命曰猿行者淳熙三年正月十五日遷化至期諸王卿相皆至師陞

座祝聖遂入方丈扃閉久之眾窺窗隙並無聲歎  
惟見猿持卷待側亟入師已死矣猿書乃辭世偈  
也

臨安靈隱淨慈上中下三天竺皆宋朝祖宗功德寺  
也淳祐庚戌爲貴妃閼氏建功德寺於九里松迎  
靈隱寺前名顯慈集慶寺土木之工過於諸寺人  
名之曰賽靈隱寺

閼妃以特旨奪靈隱寺菜園建功德寺住持冲號癡  
絕退院示眾云欲去不去被去礙欲住不住被住  
礙渾不礙十洲三島鶴乾坤四海五湖龍世界



宋理宗取靈隱下菜園爲閭妃建集慶寺內司分市  
材木於郡縣旁緣爲姦望青採斫鞭笞追逮雞犬  
不寧雖勳臣舊輔墓皆不得自保或作詩諷之曰  
合抱長材卧壑深於今惟恨不空林誰知廣廈千  
斤斧斲盡人間孝子心閭妃之卒也卽葬寺後寺  
中存理宗御容一幅燕游圖一幅明監司陳邦佐  
畱詩云黃袍前顧紫袍隨樂事宮中此一時春色  
錢塘渾似昔御街芳草正離離

九里松左軍教場內向有馬三寶墓至元十五年六  
月內有軍廝名狗兒者因樵采墾土得一鐵券上

有字云雁門馬氏葬於橫衝橋後又有十字云至  
元十五六狗兒壞我屋蓋古人知數者耳始知橫  
春橋本橫衝橋云見武林舊事

明初夢堂噩公參元叟端公於靈隱機鋒交契命掌  
內記噩公嘗游越中詩人劉孟熙唐處敬輩集曹  
娥祠見一僧敝衣坐船尾眾方分韻賦詩殊不知  
顧忽作禮有剩韻乞布施一箇拈蕉字與之噩卽  
應聲賦詩云平明飯罷促高梢撐出五雲門外橋  
離越王城一百里到曹娥渡十分潮白翻晴雪浪  
花舞綠弄晚風蒲葉搖西北陰沈天欲雨卧聽篷

韻學芭蕉眾驚曰公非噩夢堂乎遂邀入社

永樂七年閏四月一日王希範遊西山記云西經行  
春橋逾集慶蘭若始至飛來峰下蓋西山第一佳  
處也其高不逾五六十丈巖石瑰怪特異若憤駭  
若阜立若鳥喙若豹躍若蛇趨若棊置劒植衡從  
偃仰益玩益奇上多異木枝葉碧色不假土壤根  
出石外冬夏常鬱鬱然丹葩翠蕤蒙翳聯絡種種  
殊異不可名狀其下巖洞若曲室玲瓏相通中外  
鑿佛像泉自石脈出滴石上作鏗然鳴隱隱出洞  
久而始散有寺在山趾曰靈隱有亭曰冷泉澗經

其下始出沸激久乃徐流白礫布底坦然平瑩跋  
石激波毛骨爽徹同遊者余弟淵執役者黃郎阿  
總約而不至者張懋升秀才也

雲林寺志卷七終

增修雲林寺志卷八

雜紀

題名 碑碣附

李谷題名 在飛來峰頂

治平甲辰五月七日趙郡李谷容之從男侑奉命

謹題 正書 摩崖

元國書 在飛來峰書分七層後題至元二十五年八月口日建功德主石僧錄波沙里兼贊摩崖

理公塔石刻 開寶八年募眾重建釋迦磚塔一座在清遠橋靈山里見舊志

天削芙蓉四字 在理公巖見舊志

周伯琦理公巖記 在理公巖

理公巖背高僧慧理師嘗燕宋馬在錢塘虎林山  
天竺招提之東玲瓏幽邃竹樹岑蔚至正九年上  
人慧苴居觀堂起廢緝倣爰開是巖窈窕繚復鄴  
如堂皇雲涌雪積發洩靈蘊後七年左丞綬寧楊  
公之弟元帥伯顏清暇游憇快奇樂靜捐金庀工  
載鑿巖石刻十佛及補陀大士像金碧炳赫悅躋  
西土冀邀福惠壽我重親利我軍旅冰釋氛沴永  
奠方岳巖之異勝誕增於昔爲虎林奇觀實苴公  
軌行精慤有以致之居毗號曰菩薩蓋非夸益天  
竺和尚允若師臘已八十與苴同志徵文示久乃

篆諸石浙省參知政事番陽周伯琦伯溫記并書

篆書  
摩崖

龍泓洞三大字 在洞額

龍泓洞 金華王庭書 正書上三字徑八寸今已刻去傍款存

龍泓洞三字 在洞門元江准釋教都總統所經歷郭口書見舊志

龍泓洞鑿佛題名 在洞內廣順元年歲次辛亥四月三日鐫記小楷文不錄摩崖

烏重儒題名 在龍泓洞

泉州刺史烏重儒寶厯二年六月十八日口口過

遊此寺 正書摩崖

孫覺等題名 在龍泓洞

孫覺張徽戊申十一月晦同來 正書摩崖

蘓頌等題名 在龍泓洞

蘓頌子容蔣之奇穎叔岑象求巖起李杞堅甫熙

寧王子 正書摩崖

高荷題名 在龍泓洞

子勉游 行書字徑五寸 熙寧丁巳 小行書摩崖

李琮等題名 在龍泓洞

李琮朱明之楊景略黃頌胡援林熙元豐二年五

月四日游靈隱洞 正書橫寫文右行摩崖

陸德輿等題名 在龍泓洞



陸德輿載之趙與膺致道與嘗中甫淳祐戊申中

伏後一日避暑同來

正書摩崖

潛說友題名

在龍泓洞

潛說友君高父

柳葉篆字徑八寸

咸淳乙丑閏月

正書

摩崖

亢氏也先帖木題名

在龍泓洞

皇元至王庚寅春吉日副崇教亢氏也先帖木

正書

字徑三寸摩崖

郝璿等題名

在青林洞

太平興國二年戊寅十二月二日郝璿與知府正

郎范轉運使副劉杜巡檢太保翟戶部判官杜通  
理孟同至此

正書摩崖

查仲道等題名

查應辰等續題

二刻在青林洞

江右查仲道錢塘周世科西蜀曹山口口口庭訓  
口，後百有四年兵部查公會孫朝散大夫提舉  
兩浙常平等事應辰察推周公曾孫承議郎通判  
越州軍事種復同遊此洞敬觀遺刻實崇寧改元  
歲次壬午口月二十有八日也

似正書摩崖

胡承德鑿佛題名

在青林洞

弟子胡承德伏爲四恩三有命石工鐫盧舍那佛

會一十七身所期來往觀瞻同生淨土時大宋乾

興口口四月日記

正書  
摩崖

錢德範等題名

在青林洞

臨安錢德範莆陽僧貽孫同游皇祐二年六月一

日 正書摩崖

沈立等題名

在青林洞

立之中行伯敬子雍子明熙寧辛亥九月廿三日

同游

正書摩崖

晁端彥題名

在青林洞

晁美叔熙寧八年七月八日題

正書字徑  
三寸摩崖

趙善郊等題名

在青林洞

汝儀趙善郊國安謝夫子美必愿立夫成紀李劉  
公甫宛陵奚杞和甫開封向士逢吉甫古栢朱方  
叔君猷嘉定十有五年未伏日避暑來遊

隸書  
摩崖

石景衡等題名

在青林洞

石景衡叔平杜僕升陽同游

小字正書摩崖  
無年月

道宗等題名

在青林洞

道宗用晦行甫己未三月三日遊

正書摩崖  
無年月

射旭洞鑿佛題名

在洞門

清口弟子陸慶并妻李氏一孃造觀世音菩薩一

尊乾興元年四月日記 行書摩崖

冷泉亭碑

舊在亭上吳越寶大元年癸未立石見成化杭州府志

吳越經幢 在寺門

大佛頂陀羅尼經

左幢

大隨求即得大自在陀羅

尼咒經

右幢經文俱不錄

新建佛國寶幢願文

蓋聞

慧炬西然法雲東被眷言興建寶煥簡編我國家  
裂壤受封帶河礪岳既勤王而繼世諒荷寵以乘  
時言念真宗聿懷多福於是旁搜勝景廣闢宏規  
築湖畔之山岡構城西之佛閣莫不遐森杞梓妙  
選梗栴營罕漢之基垆列倚天之像設釋迦化生

中尊而高儼睟容慈氏彌陀分坐而淨標妙相仍  
於寶地對樹法幢雕琢琅玕磨礱琬琰勒隨求之  
梵語刊佛頂之祕文直指丹霄雙分八面伏願興  
隆霸祚延遠洪源受靈貺於祖先助福禧於悠久  
軍民輯睦疆宇肅寧宗族以之咸康官寮以之共  
治四十八願永符法處之良因八十種好更備曇  
摩之圓智得大堅固不可稱量凡在含生同躋覺  
路天下大元帥吳越國王錢俶建時大宋開  
寶二年己巳歲閏五月日

二幢同並正書

經塔

在寺內殿堦下

大佛頂陀羅尼經 二塔經文同並正書無題款

梁簡文帝石像記 舊在寺中至道二年正月承奉郎守將作監丞梅詢撰寺僧刻石見

成化杭州府志

景德靈隱寺記 舊在寺中羅處約撰見錢塘縣志

重修靈隱寺記 舊在寺中皇祐四年端明殿學士朝請大夫尚書禮部侍郎李淑撰見成

化杭州府志

三十六般篆書金剛經 舊在寺中宋寺僧莫菴道閒集見錢塘志

司空相國書 舊在寺中見與地碑記

嵩嶽大師影堂記 舊在寺中見與地碑目

張奎等題名 在靈隱山

太常寺太祝張奎拱微太常寺太祝張覲經臣進  
士口文安口口康宅辛巳口夏十日同游謹記書

崖摩

王兢等題名

在靈隱後山

王兢皇甫彥李聞王慎修俞俟同游宣和四年三

月十一日

正書字徑三寸  
文右行摩崖

沈遼等題名

在靈隱後山

睿達善述素道與炳之來癸卯重午

正書摩崖

物產

唐時靈隱寺多海石榴花白公詩云宿因月桂落醉



爲海樞開

八面松舊在寺門外乃造北高峰塔時瘞銜塲犬於松下詳太平廣記

贊寧律師嘗著筍譜有云木竹筍出靈隱山中中堅亦通小脈筍堅可食採竹作杖可愛新婦竹筍出武林山陰其竹圓直韌可爲箴筍則三月而生可食扶竹筍今武林山西舊謂雙竹院中所產修篁嫩條皆對抽並引鶴膝竹出靈隱山節密而內實略如天壇藤間有突起者又記天目僧詩云我本無根株只將筍爲命此可備山中故事也

方竹格古要論云出西蜀杭州西湖飛來峰下亦有之

田子藝品泉以龍泓武林爲第一

陸次雲湖壖雜記云晉理公至靈隱謂飛來峰自靈鷲飛來人不之信因就洞中呼黑白二猿爲證二猿受記而隱數千年不復見矣順治己丑秋夜一僧於月下見一白猿立於峰頂皎如白雪映月逾潔辛卯冬青蓮閣下一黑猿戴笠而趨眾皆見而呼之猿卻顧微吟越溪而去

林洪山家清供云一日過靈鷲訪僧蘋洲畱午粥甚

香乃酴醾花也

著述 題額附

武林山七志一卷明仁和邵穆生汝宣著穆生後更  
名重生隱居靈隱山中因著此書

靈隱寺志八卷明昌黎白珩子佩撰萬曆壬辰太子  
少保吏部尚書元洲張瀚序

冷泉亭三大字舊在亭上冷泉二字白居易書亭字  
蘓軾續書見武林舊事

冷泉亭三大字舊在亭上盱江左贊隸書見西湖遊  
覽志

冷泉亭對聯圓機風與溪相答妙義人同石共談

世宗憲皇帝御製華亭刑部尙書臣張照書

面壁軒暨覺寶成匾婁水大學士王揆書

春淙亭三字海寧大學士陳世倌書

石叟塔院慧日舒光匾華亭大司寇張照書

面壁軒直指心宗匾華亭大司寇張照書

圖畫

沈周飛來峰圖見真蹟目錄

沈周靈隱山畫卷自題做大癡道人見江村銷夏錄

程嘉燧冷泉亭圖見名山勝槩記

李流芳西湖卧遊畫冊冷泉紅樹圖見檀園集

雲林寺志卷八終